

Broj: 06-02-121-8/2019-29
Sarajevo, 15.05.2019. godine

Na osnovu člana 70. st. (1) i (3) Zakona o javnim nabavkama Bosne i Hercegovine („Službeni glasnik BiH“, broj 39/14), a na prijedlog Komisije za javne nabavke imenovane Rješenjem, broj: 09-34-122-R-1/2019 od 03.04.2019. godine, sekretar Vlade Federacije Bosne i Hercegovine, d o n o s i

O D L U K U
O IZBORU KVALIFIKOVANIH PONUĐAČA ZA JAVNU NABAVKU USLUGA –
PRAVNA ODBRANA VLADE FEDERACIJE BOSNE I HERCEGOVINE
U SLUČAJU RADNOPRAVNIH SPOROVA

I.

U cilju odabira kvalifikovanih ponuđača, a na osnovu Poziva za dostavu ponuda za javnu nabavku usluga - pravna odbrana Vlade Federacije Bosne i Hercegovine u slučaju radnopravnih sporova (usluge iz Aneksa II. dio B. Zakona o javnim nabavkama) (u daljem tekstu: Poziv za dostavu ponuda), evidencijski broj nabavke: 06-02-121-8/2019-1 od 09.04.2019. godine, objavljenog na web stranici Ugovornog organa www.fbihvlada.gov.ba dana 10.04.2019. godine, kao prihvatljive, prema redoslijedu zaprimanja, ocijenjene su ponude sljedećih ponuđača:

- Advokat Emir Kaknjašević, Sarajevo
- Advokat Adnan Biser, Sarajevo
- Advokat Damir Katica, Sarajevo
- Advokat Armin Mušija, Sarajevo
- Advokat Jasmina Pujagić-Hasović, Sarajevo
- Advokat Amela Filipović, Sarajevo.

II.

Ponuđači iz tačke I. ove odluke dostavili su prihvatljive ponude u skladu sa kvalifikacionim uslovima/dokazima iz Poziva za dostavu ponuda.

III.

Kvalifikovani ponuđači koji uz Ponudu nisu dostavili dokaz o kvalificiranosti u skladu sa članom 45. stav (2) tačka a) Zakona o javnim nabavkama, dužni su isti dostaviti, u roku od 5 (pet) dana nakon što budu obavješteni od strane Ugovornog organa, a prema tački 6.1. Poziva za dostavu ponuda.

IV.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

V.

Odluka stupa na snagu danom donošenja i objavit će se na web stranici Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-02-121-8/2019 od 02.04.2019. godine. Javna nabavka provedena je u skladu sa Aneksom II. dio B. Zakona o javnim nabavkama. Ukupna procijenjena vrijednost nabavke, za cijeli period izvršenja, iznosi 170.940,00 KM bez PDV-a. Poziv za dostavu ponuda, broj: 06-02-121-8/2019-1 od 09.04.2019. godine, objavljen je na web stranici www.fbihvlada.gov.ba dana 10.04.2019. godine.

U roku za dostavu ponuda 13 (trinaest) ponuđača dostavilo je ponude u predmetnom postupku nabavke.

Ponude su dostavili sljedeći ponuđači: Advokat Delić Mersiha, Sarajevo; Advokat Emir Kaknjašević, Sarajevo; Advokat Adnan Biser, Sarajevo; Advokat Damir Katica, Sarajevo; Advokat Armin Mušija, Sarajevo; Advokat Jasmina Pujagić-Hasović, Sarajevo; Advokat Amela Filipović, Sarajevo; Odvjetnica Mirela Kostić, Mostar; Advokat Adi Jogić, Sarajevo; Advokat Lejla Karović, Sarajevo; Advokat Mak Radičić, Sarajevo; Advokat Milorad Rašević, Sarajevo i Advokat Dunja Ramić, Sarajevo.

Ponude 6 (šest) ponuđača ocijenjene su kao prihvatljive jer su u skladu sa kvalifikacionim uslovima/dokazima iz Poziva za dostavu ponuda, a ponude 7 (sedam) ponuđača su odbačene kao neprihvatljive.

Ponuda ponuđača Advokat Delić Mersiha odbačena je iz sljedećeg razloga: Ponuda nije ukoričena u knjigu niti je osigurana jamstvenikom.

Ponuda ponuđača Odvjetnica Mirela Kostić odbačena je iz sljedećih razloga: U Ponudi je dostavljeno Rješenje Advokatske komore Federacije Bosne i Hercegovine-Odvjetničke komore Federacije Bosne i Hercegovine, broj: 1061/17 od 13.11.2017. godine. Navedeno rješenje ne predstavlja dokaze koji se zahtijevaju (aktuelni izvod iz Imenika advokata ili potvrdu o činjenicama i podacima iz Imenika advokata nadležne advokatske komore čiji datum izdavanja originala ne smije biti stariji od 3 (tri) mjeseca računajući od dana dostavljanja ponude); Prilog 1. u Ponudi nije ovjeren.

Ponuda ponuđača Advokat Adi Jogić odbačena je iz sljedećeg razloga: Stranice Ponude nisu označene rednim brojem.

Ponuda ponuđača Advokat Lejla Karović odbačena je iz sljedećeg razloga: U Ponudi je dostavljeno Rješenje Regionalne advokatske komore Sarajevo, Upravni odbor, broj: 511/16 od 18.08.2016. godine i Rješenje Regionalne advokatske komore Sarajevo, broj: 10/18 od 18.01.2018. godine. Navedena rješenja ne predstavljaju dokaze koji se zahtijevaju (aktuelni izvod iz Imenika advokata ili potvrdu o činjenicama i podacima iz Imenika advokata

nadležne advokatske komore čiji datum izdavanja originala ne smije biti stariji od 3 (tri) mjeseca računajući od dana dostavljanja ponude).

Ponuda ponuđača Advokat Mak Radičić odbačena je iz sljedećeg razloga: Stranice Ponude nisu označene rednim brojem.

Ponuda ponuđača Advokat Milorad Rašević odbačena je iz sljedećih razloga: Ponuda nije čvrsto uvezana na način da se onemogući naknadno vađenje ili umetanje listova. Ponuda nije ukoričena u knjigu niti je osigurana jamstvenikom; Stranice Ponude nisu označene rednim brojem; Ponuda ne sadrži Prijavu na poziv; Ponuda ne sadrži Popis dokumenata uz ponudu.

Ponuda ponuđača Advokat Dunja Ramić odbačena je iz sljedećih razloga: Ponuda nije čvrsto uvezana na način da se onemogući naknadno vađenje ili umetanje listova. Ponuda nije ukoričena u knjigu niti je osigurana jamstvenikom; Stranice Ponude nisu označene rednim brojem; Ponuda ne sadrži Prijavu na poziv; Ponuda ne sadrži Popis dokumenata uz ponudu.

Nakon izvršenog pregleda i ocjene ponuda Komisija je dostavila sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 06-02-121-8/2019-28 od 14.05.2019. godine i Preporuku za donošenje odluke o izboru kvalifikovanih ponuđača iz tačke I. ove odluke.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača. U postupku ocjene provedenog postupka, sekretar Vlade Federacije Bosne i Hercegovine nije našao razloge koji bi eventualno bili osnov za neprihvatanje preporuke Komisije za javne nabavke.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa - Generalni sekretarijat Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 30 (trideset) dana od dana prijema ove odluke.

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove



SEKRETAR VLADE

Edita Kalajdžić
mr. sc. Edita Kalajdžić